

## Ebe onodode ni Ijoni O keke

### *Ungmemhi ni o mhọli agbo*

<sup>1</sup> Anye keke ungmehi oyi oni o ri agbo o na ogbo ghi e, oni o rote igbaekele la o. Anye she suo oli, anye ri alo eyi anye me oli, anye bino oli, anye gbo ri abo eyi anye ti oli.\*

<sup>2</sup> Abi oni o ri agbo o na ogbo ona o ro feli lasele, anye me oli, anye gbo li pfi otsela shi oni agbo na agboagbo ona. Loli o nu Ita la, ni a rohasa anye.†

<sup>3</sup> Emini anye me ni anye suo, anye gbo lie gueye e, ishegho ni awa kugbe nu Ita ali Omi oli iJesu iKirisiti la.

<sup>4</sup> Eri anye keke ona ni oghela oyawa o gba pfo.

### *Okiali elemhi akpa*

<sup>5</sup> Onana khi usomhi ni anye rote obo oyi Omi oli suo, ni anye gue e ye e khi, Eshinegba khi akpa, obili okhoghuo o a fe la li egbe kpa.

<sup>6</sup> Awa kha guele khi awa nu oli la kugbe ni awa ro kie la elemhi alo ebili e kia, egholi awa lo, awa aa la agbo igesikia.

<sup>7</sup> Ama ini awa la elemhi akpa a kia, abi loli oli la elemhi akpa, ona o rohasa khi awa nu oli la kugbe, ishegho oia eyi iJesu Omi oli, e khuasa awa olamhe-a pfuasa.

---

\* **1:1** Li ze iJon 1.1 † **1:2** Li ze iJon 1.14

<sup>8</sup> Ini awa guele khi awa aa mhọli olamhẹ, eg-bawa awa a di, awa aa mhọli igẹsikia.

<sup>9</sup> Ama ini awa zọnọ olamhẹ eyawa ye Eshinẹgba ni ọ ri igẹsikia riẹlẹ emhikpa; ọni ọọ riẹlẹ emini o te ode ọ khi, ọ ya ri olamhẹ eyawa topfa awa, ọ khuẹsẹ awa umha-pfuasẹ egbe-a nya.

<sup>10</sup> Ini awa ẹ khi awa aa lamhẹ, eri awa ri Eshinẹgba mele ọlo-ẹgbhọli-a. Ungmemhi oyọli ọa la agbọ oyawa.

## 2

### *IKirisiti, ọkpaghiobo oyawa*

<sup>1</sup> Eniyẹ eyemhẹ, ẹẹ mhi kẹkẹ ebe ona ghi, ini a khi lamhẹ. Ama, ini a bhale ya ẹ khi ọgbọkhọghuo ọ lamhẹ, awa mhọli ọni ọ nu Ita a ngme khẹ awa shi kẹ. Lọli khi iJesu iKirisiti ọni ọ pfuasẹ.

<sup>2</sup> Lọli ọ khi iluasobo ni a rọ shishi olamhẹ eyawa-a, ọa khi eyawa tse ama olamhẹ eyi ẹgbọ kpa.

<sup>3</sup> Ini awa ri omhẹsẹ eyọli ẹ gbe akanya, lọli awa rọ ya lesẹ gboo khi awa lesẹ ọli.

<sup>4</sup> Eni liẹ khi wẹwẹ e lesẹ ọli ni ẹa ri omhẹsẹ eyọli ẹ gbe akanya, elo-ẹgbhue e khi, ẹa mhọli igẹsikia.

<sup>5</sup> Ama ọnini ọ da ri ungmehi oyọli da gbe akanya ne, inono oyi Eshinẹgba o gba shi ọli egbe. Ina awa li ya lesẹ khi awa ali Eshinẹgba khi ọghuo awa khi.

<sup>6</sup> Eni e da liẹ khi wẹwẹ e kugbe Eshinẹgba ọ ne, e mema ya ke ngeli abi iJesu iKirisiti ọ liẹ ngeli.

### *Ushi onogbo*

<sup>7</sup> Emọle mhẹ, ọa khi omhẹsẹ olese mhi kẹkẹ ẹ ghi ẹ, ama onodiọ lọ, ikhi oni a rọte igbaekẹle rọ na ẹ.

Oni omhẹse onodio ona o khi oni usomhi ni a she kpe suo.\*

<sup>8</sup> Aboriekhi igho, omhẹse onogbo mhi keke e ghi e, irari khi a me igesikia oyi oni omhẹse ona iJesu egbe, a gbo me oli agbo oye. Itobo khi obili o she e kalaa, oni akpa oyi igesikia o she e ge.

<sup>9</sup> Onini o da lie khi loli la elemhi akpa ni o biselemhi inyoghwo oli ne, elemhi alo obili o kie la.

<sup>10</sup> Onini o da nono ingme oyi inyoghwo oli ne, elemhi akpa o la, emhikhoghwo o la li egbe ni o roli ya khi owe.

<sup>11</sup> Ama onini o da biselemhi inyoghwo oli ne, alo obili o la, alo obili o la kia gase. Oa lese obini o o je, irari khi obili o she zuse oli alo.

<sup>12</sup> Mhi keke ebe ona ghi e eniye,  
itobo khi a she ri olamhe topfa e  
itobo eva oyi iKirisiti.

<sup>13</sup> Mhi keke ebe ona ghi e, ee ita,  
itobo khi a she lese oli,  
oni o rote igbaekele la o.

Mhi keke ebe ona ghi e ozele,  
itobo khi a she mu  
Oni o khi Ogbọ-obe o le.

Mhi keke ebe ghi e eniye,  
itobo khi a she lese oni Ita.

<sup>14</sup> Mhi keke ebe ghi e, ee ita,  
itobo khi a she lese oli,  
oni o rote igbaekele la o.

Mhi keke ebe ona ghi e ezele,  
itobo khi a mholi ekpabo,  
ali khi ungmehi

oyi Eshinẹgba o la

---

\* 2:7 Li ze iJon 13.34

elemhi oye e,  
ali khi a she mu  
Oni o khi Ogbọ-ọbe o le.

*Agbọ ona o khi ghọle e dọse*

<sup>15</sup> Agbọ ona o khi ghọle e dọse, wẹkhi emhikhoghuo ni e la o. Ini ogbokhoghuo o mholi oghuẹmhe na agbọ, inono oyi Ita ọa la agbọ oyoli.

<sup>16</sup> Irari emhikpa ni e la elemhi agbọ, ni e khi, oghuẹmhe olamhe idiegbe, emini ukpẹloe o viẹ shi, ali itipfuabọ-nga shi emini o mholi ali ni o dọbe e riẹle. Okhoghuo ena nya ẹa rọte obọ oyi Ita bhale, ama agbọ ona e te bhale.

<sup>17</sup> Oni agbọ ona ali emini e la o ni ẹẹ ghọle ẹgbọ e she e dọse, ama eni e riẹle oghuẹmhe oyi Eshinẹgba e ya la o agbọagbọ.

*Eni ẹẹ khọli iKirisiti*

<sup>18</sup> Eniye, ukpẹse agbọ o she ti bhale! A she gueye e khi oni o khọli Omiepfuese o ya bhale, memena eni ẹẹ khọli Omiepfuese ebubu e she bhale agbọ. Onana awa rọ ya lẹse khi ukpẹse agbọ o she ti bhale.

<sup>19</sup> Eni ẹgbọ ena ẹa mema kie kpẹ khi eyawa, loli o zẹ khi e rọte awa iteva vu. Ini e kie kpẹ khi eyawa lọ, e kha migha. Ama eri uvumhi oyewe o rọkhasẹ khi ẹa ku ma awa o.

<sup>20</sup> Ama Omiepfuese, Oni o pfuase o she zẹ e, irarighọ a she lẹse igesikia.

<sup>21</sup> Ọa khi itobọ khi aa lẹse igesikia mhi rọ keke ebe ona ghi e, ama itobọ khi a lẹse igesikia, a gbo lẹse khi ẹgbhọli ọa rọte igesikia a lasele.

<sup>22</sup> Mena, oghuo o khi ọlo-ẹgbhue? Oni ọọ khi iJesu ọa khi oni Omiepfuese, loli o khi Obe vule shi Omiepfuese o, loli o kie Ita ali Omọ.

23 Aa me ogbokhoghuo ni o kie Omọ ni o mhọli Ita. Oni o da mie-obọ shi Omọ o, o li mhọli Ita.

24 Zobe ni emini u rote eke suọ o kie le egbe. Ini o ligho kie le egbe, u ya li kie nu oni Omọ ali Ita la kugbe.

25 Emini o shobo na wa na, ikhi agbo na agboagbo.

26 Ingme eyi egbo eni e nono ni wewe e yese e da ode mhi keke e ghi e.

27 Ama ee oye e, ekpabo Ayemhe no pfuase ni a mie, o kie la e egbe, irarigho, aa ke khi eni a sese. Ama eri Ayemhe oyoli oo sese e emhikpa, ikhi emini e khi igesikia ni ea khi egbhọli. A ri osese oyi Ayemhe ke gbe akanya, a kie nu oli la kugbe.

### *Imi Eshinegba*

28 Mena, eniye, a kie kugbe oli o. Ishegho ini o feli lasese, awa mhọli igbedu ni omama oa mu awa odalo oyoli, ini o nyene egbe bhale.

29 Ini u lese khi iKirisiti khi oni o migha shi ipfuase o khi, lese khi oni o ri ele emini e te ode Omi Eshinegba o khi.

## 3

1 A bino abi inono ni Ita awa o nono awa o li fu ramhi, ni a ro bhale ya e khi aa lu awa imi Eshinegba! Ni o khia khi igho awa khi! Emini o ze khi egbo na agbo ea lese awa khi, ea lese Eshinegba.\*

2 Emole mhe, imi Eshinegba awa khi, ama, awa aa lese ne, abi awa ya li, ama awa lese khi ini iKirisiti o lasese, awa ya li abi loli, irari khi awa ya me oli abi o li tee.

---

\* **3:1** Li ze iJoni 1.12

<sup>3</sup> Ogbokpa ni o da mhọli irudushi ona ne, o o mhọli oni oghuemhe ni o ro khi oni o pfuase abi iKirisiti o li pfuase.

<sup>4</sup> Onini o da lamhe ne, eri o gbe ushi oyi Eshinegba-a, irari khi olamhe, igbushi oyi Eshinegba-a o khi.

<sup>5</sup> Ama u lese khi eri iKirisiti o bhale ni o ya rue olamhe eyawa vu, ali khi olamhe o la li egbe.†

<sup>6</sup> Irarigho, ogbokpa ni o nu oli la kugbe, o ya lamhe ke le. Onini o kie da la olamhe ne, o a fe me oli ghue wekhi eri o lese oli.

<sup>7</sup> Eniye, a khi ze ni ogbokhoghuo o di e ya de ode-a. Oni o da riye emini o te ode ne, o pfuase, ezeze abi iKirisiti o li pfuase.

<sup>8</sup> Onini o da riye emhi olamhe ne, oyi Okphaghiye o khi. Irari khi te-ekẹ vu, okphaghiye o te e lamhe. Emini o ze ni Omi Eshinegba o ro feli bhale khi, ni o ro me asha pfueche ikanya eyi okphaghiye-a.

<sup>9</sup> Ogbokpa ni o da khi Omi Eshinegba o ya lamhe, irari khi ukpamhi oyi Eshinegba o la li egbe, e ya lamhe irari khi Eshinegba o khi Ita we.

<sup>10</sup> Onana o ri ikhi o da shi iteva imi Eshinegba ali imi Okphaghiye. Enieni e da riye emini o te ode ne ali ni e mhọli inono na egboese ne, e khi imi Eshinegba.

### *A nono ingme oyi egbe e*

<sup>11</sup> Onana o khi usomhi ni a rote eke suo. Ikhi, awa nono ingme oyi egbe awa.‡

† 3:5 Li ze iJon 1.29    ‡ 3:11 Li ze iJon 13.34

12 Khi li abi iKeni ni o khi oyi Ona Okholo, ni o gbe Ebeli inyoghuo oli-a. Elo o ze ni iKeni o ro gbe oli-a? Irari khi emini oni iKeni oo riefe, ea gbe akanya, ama emini inyoghuo oli oo riefe e khi eni e pfuse. §

13 Irarigho, o khi sha e abo, inyoghuo-mhe eni emose ali eni ikpotso, ini egbo na agbo ea ti elemhi e.

14 Awa lese khi awa she te eghuli lasele je agbo, itobo khi awa nono ingme oyi inyoghuo awa. Onini oa da mholi inono ne, elemhi eghuli o kie la.\*

15 Onini o da biselemhi inyoghuo oli ne, ogbo-ugbeli o khi. U lese khi ogbo-ugbeli oa mholi agbo oyi Eshinegba shi agbo oyoli.

16 Ina awa lie lese emini inono o khi. Eri iJesu iKirisiti o ri agbo oyoli bhale, ni e pfuse-a, shi itobo oyawa. Awa kha li rue agbo oyawa li shi eke na inyoghuo awa.

17 Ini ogbo o mholi epfue, ni o ro me khi inyoghuo oli o mholi emini o to oli, ni oa ro mholi ilelemhi na li, sefe o li dofe ya lie khi loli mholi inono oyi Eshinegba?

18 Eniye, a khi ze ni awa ri ungmehi ali elemhi ke riefe inono, ama awa ri iriefe ali igesikia ke ri inono khasa.

19 Ini awa nono ingme oyi egboese, awa lese khi igesikia awa la kia, awa mholi udu opfome odalo oyi Eshinegba.

20 Abi eni e miesuo, ini udu oyawa o pfa ezoo mu awa, awa lese khi Eshinegba o fu dose udu oyawa, ali khi o lese emhikpa.

---

§ 3:12 Li ze Igbae 4.8 \* 3:14 Li ze iJon 5.24

<sup>21</sup> Irarigho, emole mhe, ini udu oyawa o da pfa ezọ mu awa ne, loli awa roo mholi igbedu odalo oyi Eshinegba.

<sup>22</sup> Emiemini awa da mhila kpa, awa te obo oyoli ya mie oli, itobo khi awa ri ishi eyoli e gbe akanya ali khi awa a riele emini e ghole oli.

<sup>23</sup> Emini o mheshe na awa khi, awa mie Omi oli iJesu iKirisiti suo, ali awa nono ingme oyi egbe, ezeze abi iKirisiti o li mheshe na awa.†

<sup>24</sup> Eni e ri omheshe oyi Eshinegba a gbe akanya, eri wewe ali Eshinegba e ga kugbe, Eshinegba o li kugbe we o. Itobo Ayemhe ni Eshinegba o ro na awa, awa ro lese khi awa kugbe Eshinegba o.

## 4

### *Ke mu Iyemhe fe bino*

<sup>1</sup> Emole mhe, a khi mie shi iyemhe nya o, ama mu we fe bino ni a me ini obo oyi Eshinegba e te bhale. Irari khi emekeguele eyi egholi ebubu e she fie lasese shi agbo ona.

<sup>2</sup> Ina a li ya lese ini Ayemhe oyi Eshinegba lo: Ayemhe nya ni o da lama khi iJesu iKirisiti o she bhale abi obo ne, oyi Eshinegba lo.

<sup>3</sup> Ama ayemhe nya ni o da mie-obo shi iJesu o ne, o rote obo oyi Eshinegba bhale. Onana o khi ayemhe oyi oni o kholi Omiepfuese, ni a suo khi oo bhale, o she ga la elemhi agbo memena.

<sup>4</sup> Ama enayi Eshinegba a khi, imi mhe, a she gbo mu emekeguele eyi egholi o le, irari khi Ayemhe ni o la e egbe o fu dose oyi oni o la elemhi agbo.

† 3:23 Li ze iJon 13.34; 15.12,17



<sup>5</sup> Elemhi agbọ eni emekeguele eyi egbhọli egbo e roṭe lasele, ingmemhi agbọ eṣe ngme, irarigho egbo agbọ e ro mie shi emini eṣe ngme.

<sup>6</sup> Ama enayi Eshinẹgba awa khi. Onini o da leṣe Eshinẹgba, loli o ri esọ o shi emini anye e ngme. Oni o da khi oyi Eshinẹgba ne, o a ya ri esọ shi emini anye e ngme. Ina awa li e leṣe ikhioda ni o la Ayemhe igesikia ali ayemhe egbhọli.

### *Eshinẹgba inono o khi*

<sup>7</sup> Emole mhe, a ze ni awa nono ingme egbe, irari khi obọ oyi Eshinẹgba inono o te bhale. Oni o da mhọli inono, Eshinẹgba o khi itali ali khi o leṣe Eshinẹgba.

<sup>8</sup> Ogbọ ni o da mhọli inono ne, o a leṣe Eshinẹgba, irari khi Eshinẹgba khi inono.

<sup>9</sup> Eri Eshinẹgba o ri Omi oṣi oṣuoghwo kpe ni o ghie bhale agbọ ro ri inono ni o mhọli na awa khaṣe, ini awa a roṭe obọ oyọli mhọli agbọ.

<sup>10</sup> Onana o khi egbegbi inono, o a khia khi eri awa nono ingme oyi Eshinẹgba, ama eri o nono ingme oyawa, loli o ze ni o ro ghie Omi oṣi bhale ni o ro luase obo ro shishi olamhe eyawa.

<sup>11</sup> Emole mhe, ini o khia khi ina Eshinẹgba o li nono awa, awa li nono ingme egbe awa.

<sup>12</sup> Ogbokhoghuo o a me Eshinẹgba ghue, ama ini awa nono ingme egbe awa, Eshinẹgba o la agbọ oyawa, ali khi, inono oyọli o o gbe akanya ni o nono ni loli gbe agbọ oyawa.\*

<sup>13</sup> Awa ga leṣe khi Eshinẹgba o la agbọ oyawa, irari khi o she ri Ayemhe oyọli na awa.

---

\* **4:12** Li ze iJoni 1.18

14 Ali khi awa me, awa gbo pfi oṽseḽe khi Ita o ghie Omi oḽi ni o ro khi Omi epfuese oyi agbo.

15 Ini oḽbokhoghuo o mie shi o khi Omi Eshineḽba iJesu o khi, Eshineḽba o la agbo oyoli, loḽi o li la elemhi Eshineḽba

16 Ishegho, awa lese, awa gbo mie shi inono ni Eshineḽba o mholi na awa.

Inono Eshineḽba o khi, eni e la agbo inono e nu Eshineḽba la kugbe, Eshineḽba o li nu we la kugbe.

17 Ina inono oyoli o lie gbe akanya ni o nono ni loḽi gbe agbo oyawa, ni awa ro mholi igbedu ogbeḽe iguezo, irari khi eri awa li abi loḽi ekagbo ona.

18 Ulishi oḽa la inono. Ama eri inono ni o gba pfo, oo khu ulishi fie, irari khi eri egbo ee na ulishi Eshineḽba itobo khi o ya na we osoli. Oni oo na ulishi oḽa gba pfo elemhi inono.

19 Eri awa mholi inono, itobo khi loḽi o kpe nono ingme oyawa.

20 Ini oḽbokhoghuo oo lie, “Mhi nono ingme oyi Eshineḽba,” ama o kiele e biselemhi inyoghuo oḽi, oloegbhue o khi. Irari khi oḽbo ni oḽa da nono ingme oyi inyoghuo oḽi ni oo me eloe, oḽa doḽe ya nono ingme oyi Eshineḽba ni oḽa me eloe ghue.

21 Omheso ni iKirisiti o ro na awa na: Eni e nono ingme oyi Eshineḽba nya, e mema li nono ingme oyi inyoghuo we.

## 5

### *Imuole ni awa mu agbo o le*

1 Onini o da mie shi o ne khi iJesu o khi oni iKirisiti Omi epfuese, Omi Eshineḽba o khi, Onini o da nono ingme oyi Ita ne, o li nono ingme oyi omi oḽi.

<sup>2</sup> Abi awa liẹ lẹsẹ khi awa nono ingme oyi imi Ẹshinẹgba khi, ini awa nono ingme oyi Ẹshinẹgba, ni awa gbo rọ ri omhẹsẹ oyọli gbe akanya.

<sup>3</sup> Ini awa nono ingme oyi Ẹshinẹgba egbegbo, awa mema ya ri omhẹsẹ oyọli gbe akanya. Ama omhẹsẹ eyọli ẹa ya mu unu irọgbe-akanya.\*

<sup>4</sup> Itobọ khi oḡbọkpa ni Ẹshinẹgba o bia, lọli o doḡe ya mu agbọ o le, irudunga oyawa o khi oni imuḡle.

<sup>5</sup> Oghuo o doḡe mu agbọ oḡ le? Sẹ ni oḡbọ ni o miesuoḡ khi, iJesu khi Omi Ẹshinẹgba.

<sup>6</sup> Oḡa khi iJesu iKirisiti ni o bhale, rọte iri-amẹ-batazi, ali rọte oḡia ikushiekẹ abi o rọ ghua. Oa khi rọte amẹ tse, ama li shi oḡia ni o ku shi ekẹ abi o rọ ghua. Ayemhẹ o pfi oḡsẹlẹ shi o, irari khi oḡni Ayemhẹ oyi igesikia lo.

<sup>7</sup> Irari khi oḡsẹlẹ esẹ e la o.

<sup>8</sup> Ayemhẹ, amẹ, ali oḡia. Eni oḡsẹlẹ esẹ ena unu oghuo ee ngme.

<sup>9</sup> Oḡsẹlẹ oyi agbọ awa mie ẹ suḡ, ama oḡsẹlẹ oyi Ẹshinẹgba o toto ne. O she pfi oḡsẹlẹ shi ingme oyi Omi oḡli

<sup>10</sup> Irarigho, oḡbọkpa ni o mie Omi Ẹshinẹgba suḡ nya, o mhọli oḡsẹlẹ onana shi udu oyọli. Ama oḡni oa mie Ẹshinẹgba suḡ, eri o rọli shi oḡo-egbhọli, itobọ khi oa mie shi emini Ẹshinẹgba o ngme shi ingme oyi Omi oḡli.

<sup>11</sup> Oni oḡsẹlẹ o khi Ẹshinẹgba o she ri agbọ na agbọagbọ na awa. Oni agbọ ona o la obọ oyi Omi oḡli.†

<sup>12</sup> Irarigho, oḡni o da kugbe Omi Ẹshinẹgba o ne, lọli o mhọli oni agbọ oyi Ẹshinẹgba ona. Oḡni oa

---

\* **5:3** Li zẹ iJon 14.15   † **5:11** Li zẹ iJon 3.36

da kugbe Omi ḶshineḶba o ne, oḶa mhḶli agbo oyi ḶshineḶba.

<sup>13</sup> Mhi she keḶe emhikpa shi elemhi ebe ona ghi e, ni a mie iḶesu Omi ḶshineḶba suo, ni a ro mhḶli oḶi shi udu khi a mhḶli agbo oyi ḶshineḶba.

<sup>14</sup> Igbe-udu ni awa a mhḶli ini awa la odalo oyi ḶshineḶba a so iromhi khi, awa lese khi eḶheḶhe kpa ni awa ro mhila li emhikhoghuo abi o ghḶle oḶi shi, eri oḶ suo awa o.

<sup>15</sup> Irarigho, abi awa ro da lese khi oḶ suo awa ini awa da mhila emhi ne, awa lese khi awa she mhḶli emini awa mhila li.

<sup>16</sup> Ini ogbokhoghuo o me khi inyoghuo oḶi oḶ lamhe olamhe ni oḶa ri eghuli gbe ogbo, o lema na li, khi ḶshineḶba ya ri agbo nali. Eni olamhe oyewe e khi olamhe ni ea ri eghuli gbe ogbo mhia ngme. Olamhe o la o ni o ri eghuli e gbe ogbo. OḶa khi olamhe eghoghḶ mhi e lema shi.

<sup>17</sup> Umha-gueḶi kpa, olamhe o khi. Ama olamhe o la o ni oḶa ya ri eghuli gbe ogbo.

<sup>18</sup> Awa lese khi oni ḶshineḶba o bia, oḶa ya lamhe olamhe, irari khi eri Omi ḶshineḶba o khukhu oḶi, ini Okphaghi e o khi doḶe li oḶi onobe.

<sup>19</sup> Awa lese khi imi ḶshineḶba awa khi, ali khi Okphaghi e o mhes e na eḶbo nya ni ea lese ḶshineḶba.

<sup>20</sup> Awa gbo lese khi Omi ḶshineḶba o she bhale elemhi agbo, ali khi o she ri ilese ni awa ro lese oni egbegbi ḶshineḶba. Ali khi awa kugbe oni ḶshineḶba ni o khi igesia o, igho awa gbo li kugbe iḶesu iKirisiti ni o khi Omi oḶi o. Lolighuo kpe o khi egbegbi ḶshineḶba, ali oni agbo na agboagbo.

<sup>21</sup> Eniye eyemhe, a mu egbe e. A khi mholi emini e ku e ali ilitsa gbe.

**Ebe-No-Pfuasę Ishobo Onogbo**  
**New Testament in Ivbie North-Okpela-Arhe**  
**(NI:atg:Ivbie North-Okpela-Arhe)**

copyright © 2012 Wycliffe Bible Translators, Inc.

Language: Ivbie North-Okpela-Arhe

Translation by: Wycliffe Bible Translators, Inc.

**Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789194797

**The New Testament**

in Ivbie North-Okpela-Arhe

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

03be06b0-68fd-500b-b9a9-6bca4b63979a